

職方典第七百九十三卷

徽州府部彙考七

徽州府祠廟考二

寺觀附

通志縣志合載

本府

歙縣附郭

天寧萬壽寺在城北隅舊名護國天王院唐大中元年州經焚蕪光啟三年修築北城乃給儒學後故基使修建景福元年賜額宋慶曆三年僧省先募人爲塔十三層高三十仞廣十丈其下爲屋百餘間至治平四年成賜名普安塔崇寧二年更名崇寧寺政和八年改天寧萬壽寺紹興七年改報恩廣孝寺十三年改報恩光孝寺元大德甲辰重建爲郡都道場至正壬辰燬於兵乙未僧永傳重建明洪武七年起大佛殿置僧綱司其左廊基地前半截爲雜造局其右廊及三門基地洪武九年爲軍營屋自元至今寺名因之

開化寺在縣西唐天祐元年號

十方院宋大中祥符元年勅改今名元壬辰燬重建

太平興國寺淳熙志云在縣西南唐

至德二載建號興唐寺寺門踞兩峯間下瞰練溪治西勝處也始唐有聖像閣僧房飛跨岩谷

大曆末呂渭爲州司馬常於寺之隙爲堂讀書及去以遺寺僧故至今有呂侍郎祠唐末楊氏改爲延壽寺南唐復爲興唐寺宋開寶九年復爲延壽太平興國四年勅改今名而民間亦呼爲水西寺

應夢羅漢院唐末寺僧清瀾與婺州僧貫休游休爲畫十六梵僧像宋取入禁中後感夢歛僧十五六輩求還遂復以賜汪內相詩所謂祇應夢乞歸若寺要使邦人習氣移者也今畫本猶存一二

如意寺寺中有泉爲十寺第一

經藏寺寺在淨名寺之上從

陝川五張寺經藏碑得名

福聖寺寺爲雪竇禪師祝髮處入寺松篁夾徑虧蔽日月有泉

仍以雪竇名

等覺寺寺於山門最近拾級右折而稍後古木蔭翳若舒青綵步障隱蔽赤

日前簷竪碑爲邑人鮑寧撰叙唐宋事甚悉

五明寺在福聖之上東北隅有室容膝面峭

壁松竹上蔭影落其下程仲貞有詩題壁間云夜燈山鬼共蓋幽絕境也

長慶寺在山之

左山門與漱芳臺埒有七級方塔爲宋時故物

淨明寺與如意寺相近

妙法寺在如

意之右

寶相寺在問政山鐘樓峯下修篁蔽蔭山翠欲滴唐光化間刺史陶雅建原名寶

相宋大中祥符間賜額昭應禪院後遷城內西南隅明正德間創於此

濫庵在寶相寺左

週流寺在岑山鬱然孤岑溪水環之故以爲名唐天祐八年建或云創自五代吳時元鄭師山結屋其上名讀書樓 楊干寺在通德鄉豐樂里枕黃龍山濠水繞之宋寶祐六年丞相程

元鳳建淳熙志有二楊干院一孝女鄉淳湍里唐咸通二年建一寧泰鄉仁祐里宋至道元年

建 白蓮院舊在縣治側唐天祐二年建宋紹興十八年徙金紫山其址今爲宗光堂隆興

初宋尙書旣自南安昇宗光圓應普通大師像於此供奉 傍溪寺舊在長樂下鄉銅山里

宋大中祥符元年建紹興中徙烏聊山廣錄載寺西有公秀閣郡守倪祖常改名 觀音寺

在問政鐘樓峯 能仁尼寺在城南二里舊名承天又名香封宋大中祥符始賜今額紹定

間重修 水陸院在寧仁鄉岑山里五代吳順義中建寺有宋紹元古鐘款文水淥寺蓋寺

有名泉在山腰水淥淥而下故舊以爲名也 普安院在寧仁鄉唐乾寧二年建號永安後

改今名有水如玉色里人號爲白水寺 福田寺在寧仁鄉唐武德中建明景泰中沒於水

僧宗源告移建於古城關割田入租 湖田寺在寧仁鄉宋紹興中建明嘉靖中重建

彌勒尼寺在寧仁鄉 高肩庵在寧仁鄉宋淳熙間建元至順間燬明以旱潦祈禱輒驗重

建 古城院在永豐鄉安樂里唐太和中建舊在杏壇潭東宋宣和後徙潭西旁有杏城極

平廣相傳昔嘗以爲城尋以土輕棄不用 古巖院巖去郡城三十里形如覆屋面東南明

敝宏正可容十餘席漢晉以來爲修真鍊形者所居唐有徑山大師蘊公習靜於此大曆中代

宗手詔徵之因爲立院宋開寶元年郡守隴西李公度迎達禪師住持始增置莊田殿閣再傳

璉公被徵入侍仁宗眷注優渥英宗治平三年奉璽書遂開歸山而院益著碑版尙存岩中

靈康院在永豐鄉溪上徑通太平興國寺五代吳天祐間建 向杲院在永豐鄉梁大同元

年建 城陽寺唐景福中建在縣南三里隔溪面城陽山宋宣和中燬僧如淨請建於長壽

鄉明嘉靖中重造 中峯寺在長慶鄉明景泰中建 中峯左寺在長慶鄉 葉楊寺

在長慶鄉 會聖寺在長慶鄉 惠化院在仁愛鄉唐乾寧中建五代吳天祐間改天王

院先是天寶初大食康居五國寇安西遣救未至詔不空三藏祈護世天王爲助已而安西奏

城東北二十里雲霧晦冥中有神皆金甲長丈餘鼓角鳴振五國奔潰城樓現天王像無不見

者乃圖以進因勅諸道州府於城西北隅各置天王像此院舊在郡城北有唐世祠部牒目爲

北城護國天王院置僧七人宋紹興間取其廢額復建於此

金城院在仁愛鄉長沙里宋

開寶二年勅建

漢洞院在仁愛鄉富資里漢洞唐大中間建宋宣和中賊退後東遷半里

許與石耳山對

黃坑院在仁愛鄉金山里唐太和中建

小溪院在仁愛鄉唐太和五

年建

白雲菴在仁愛鄉留村

石池寺在衰繡鄉宋時建

景德寺在衰繡鄉

慈竹尼寺在衰繡鄉

靈山院在平遼鄉新安里唐天祐間勅建

報德庵在縣西靈山

萬塘寺在衰繡鄉五代天福間建明弘治間重修

積慶寺在縣西五里宋丞相程元鳳建

後有墓

聖僧菴在城西五里唐武德中建

金紫院在懸西三十五里黃羅峯北宋紹

興間奉勅諭葬汪叔敖子若容因奏立院附祠像其中

臨塘院在中鵠鄉宋至道二年建

孝義寺在中鵠鄉

興福院在中鵠鄉遷香里唐光化中建

仁義院在中鵠鄉豐教里

有藏經樓宋大中祥符間建明天啟二年重修

西峯院在通德鄉隱儒里唐至德二年建

宋紹興中改爲寺

江祈院在孝弟鄉千秋里五代吳順義二年建

清泉院在孝弟鄉

玉泉里唐大中二年建舊號玉泉院泉在方丈前宋宣和後院稍遷其泉今在蔬圃中

祥

符寺在紫石峯下唐開元天寶間志滿禪師創始圖經舊志失載大中五年刺史李敬方感白龍見建龍堂於湯池之西天祐二年刺史陶雅建寺號湯院南唐保大二年勅爲靈泉院有碑紀事宋大中祥符元年勅改今名 慈光寺在朱砂峯下舊稱朱砂菴明嘉靖間元陽道人

舊居萬曆丙午普門師入黃山元陽之徒福陽道人以菴界師辛亥秋神宗賜寺額曰慈光降勅護持 翠微寺在翠微峯麓按唐中和二年麻衣祖師包西來振錫翠微峯下置麻衣道

場經數百年迭有興廢明萬曆戊戌洪水衝決寺僧本是修之乙酉心空師重建祖師塔在寺外寺卑處山麓如人問梵剎平坦處更須著脚雲水高人幸勿望崖而返 松谷寺在疊障

峯下張真人初居太平南鄉花山寺後遷此松谷其別號也遂以名 擲鉢禪院在鉢孟峯

下山鄔中俗名爲丞相源 文殊院在天都蓮花兩峯間後擁玉屏峯前有菩薩座登座跌

坐烟雲無際萬峯出沒足底院爲普門大師創明崇禎丁丑間不戒於火戊寅休寧汪之龍重建過小心坡夾壁爭高綫光曳白爲一線天又進級轉壁回厓益崩磴益削途復窮雙崖斷若峽假松棧以渡渡已升級天復一綿級愈升壁愈合相視顏色如夜約半里仰窺石頂突口如

喉憑梯出矣突出天開衆峯盡露里餘至院光明頂之曠桃花源之幽石筍砭之異各擅其異
惟文殊院兼收之其奇尤在山徑緣梯棧穿石穴歷歷見遠山平楚故景爲獨絕 大悲院

在蓮花峯右踞四山之中光明頂名大悲頂者因供奉大悲觀世音像故名院曰大悲頂實山
腋耳 蓮花菴卽唐湯院遺址僧卽我建菴額袁儀部黃題循白龍潭而上半里至菴菴在

山谷中菴前五峯聳翠衆壑爭流 水晶菴去甜珠嶺三里許明天順間少司馬吳寧建結

廬靜窈澄流繞焉際秋老霜新之候黃葉自飛白雲不埽 皮篷菴又名雲舫在仙燈洞下

唐文宗時有西域僧居洞中鑿岩石曰七百年後當有聖僧來故又名仙僧洞 雲嶺菴又

名佛嶺庵唐大曆中志滿禪師露宿地地多虎禪師至虎皆遠徙里人爲造菴明末僧妙光重

修 保安院在孝弟鄉紫霞山麓五代吳天祐五年建前爲阮溪有井名阮公泉郡邑禱雨

時有靈應溪旁爲水香園 肇林院在千秋里汪司馬道昆建北眺天都西攢金竺雙松蜿

輟竹樹鬱茂高僧勝侶開社闡宗爲一郡叢林之冠 同德菴在簪嶺北層山疊障昔爲盜

藪往來患之邑人方如珽許悌友建菴立茶亭以休行者商旅恃以無恐 崇福寺在寧泰

鄉宋察判汪時中建內有汪氏墓祠

任公寺在寧泰鄉寺側有富資水梁太守任昉愛之

因名昉寺宋元豐元年本縣改今名舊有任公祠在寺側久圯

開黃禪院在郡大北門外

原名白雪樓順治庚寅年總鎮胡茂禎改建

福會庵在寧泰鄉黃栢源

林隱庵在寧

泰鄉王家坦

上律寺在德政鄉宋至和中建

皓月庵在德政鄉黃川

坦平院在

仁禮鄉萬安里唐太和五年建

富山院在仁禮鄉唐景福中建

溪頭院在仁禮鄉溪

頭里唐景福中建

乾明禪院在登瀛鄉清平院南唐建號安國院宋太平興國五年勅改

今名

思棠庵在東北登瀛鄉西

菩提庵在登瀛鄉

資福寺舊名院在明德鄉五

代吳天祐七年立

長山庵在明德鄉元至正壬辰年建

大金庵在大金山

溪子

寺在長樂下鄉銅山里宋大中祥符元年建

仁壽尼寺在縣南三十五里牛矢嶺

淨

土禪林僧湛然建在古關

玉岐寺在長樂上鄉大夫山宋咸淳中建

褒忠寺在長樂

上鄉宋紹興八年建

白楊院在長樂上鄉唐太和元年建

山旁寺在長樂上鄉宋寶

祐三年建

左昌寺在長樂鄉宋紹興四年建

華嚴院在孝女鄉宋寶祐二年建

多寶尼庵在孝女鄉

揭湖寺在孝女鄉宋淳祐辛丑建

南源古寺在長陔唐太和三

年建明洪武間修寺祀梁武帝暨寶誌有古碑存寺後五峯插天前有三瀑布飛瀉而下匯爲澤名鉢孟津有燕石署朱文公讀書寺中手書新安大好山水六字鐫於石壁 福祿庵

二一在弱嶺一在南鄉南鄉縣潭者今改爲別峯庵

普照堂在縣南一里元元貞中建今

廢

觀音堂在明德鄉仙姑洞洞爲三仙姑煉丹遺跡洞有二竇其內常有機聲幽深無際

非烈焰莫能辨路人亦不敢深入其頂穹窿如蓋時有石膏流出澤可濯髮俗傳仙姑聖水療

病輒愈

鶴林庵前對金竺下臨豐樂禪堂傑閣縹緲翠微間大類桃源昔有僧靜一爲雲

棲法嗣至鶴林刺血寫華嚴經八十一卷

圓通庵倚峭壁削立無階溪水明瑟有丁雲

鵬畫壁儼如道子寫生風神雋逸

一樹庵在魚袋山倚石結佛廬高廣不盈尺靜室飛閣

悉嵌危壁間羣峯攢翠梗杉蔽虧幽絕之境也

承唐寺在孝弟鄉唐會昌以前有之大中

七年重建舊誤爲陳塘又訛承爲澄今改正

御泉庵在雙嶺連峯數十絕壁摩蒼明太祖

從鄱陽破敵回取道過之憩松陰下渴而思飲岩下泉水忽湧出因名御泉庵徐中丞守郡時

題額左爲青蓮閣後爲貝葉樓

東古寺在石耳山東塢故亦曰東塢古寺有碑記元末建

明正德年間張氏重建

桃源庵在桃花源源中多桃花故名相傳軒轅氏採藥谷改稱藥

谷庵

墨浪庵在白龍潭之上因僧人墨浪主此得名

雲濤庵在蓮花庵東南十里面

蓮花峯近雲門爲藏雲之壑風濤變化無常夾谷之下疊石纍纍舊基存焉

趙州庵在天

都峯下顧錫疇題曰山郵明崇禎甲戌有龍起庵側山崩石墜庵正承之椽桷無恙庵前落石如几五松錯植石上

指象庵卽指象處下煉丹臺步深壑中可至幽深沈奧不異井底真

學人戢身藕孔處也

利生庵在岩鎮一名醉茶庵屹立溪澗林木葱蒨潭影清澈溪岸有

泉甘冽

天慶觀在縣西宋大中祥符元年以正月三日天書降日爲天慶節詔東京建玉

清昭應宮天下置天慶觀明洪武二十五年立爲叢林

乾明觀在郡城內東北隅唐乾封

元年置樞星觀八年改龍興觀天寶元年改開元天寶觀宋太平興國六年以誕聖日爲乾明

節勅改今名嘉定壬申重建燬淳祐七年重建理宗書玉樞之府四字於觀

萬山觀在郡

城東門內壁有仙人呂洞賓遺像傳爲呂自圖云呂仙住萬山觀三年一朝辭去謝主人曰久

勞供養無以爲報傳有靈方可以止嗽山中六十衆每日賣藥之資可充一午齋也衆送之山門忽不見回視壁間一像儼然墨藩未乾其目四顧藥果奇效山下賣藥人忌之私毀其像僅侵巾角遂仆地主人尋善圖者摹一像無能點睛忽一醉道士索酒主人入取出則目睛炯炯失道士所在

興道觀在閭政山唐世築室號閭政山房道士於方外聶師道相繼居之五代吳順義七年師道葬此山吳楊氏立壇給田以其故居爲歸真觀宋天禧四年勅改今名山半舊有候賢亭久廢延祐丙辰重建山麓有園有池聶仙煉丹處俗呼爲道童園

慶福道

院在興道觀北元大德九年建

紫陽觀在紫陽山本許真君祠宋天聖二年奉勅賜觀額

淳熙戊戌郡守陳居仁夢與許仙遇因訪故基重建

南極觀在寧仁鄉雄村宋登仕郎鮑

景山請額建以膳田百畝入觀明永樂間鮑思齊重建

東嶽道院在岩鎮宋紹興二年建

龍興女貞觀舊在縣西五里唐神龍二年建開元間改櫺星觀又勅改龍興後因通德鄉長春里原有古觀因葺之請此名額

紫極宮舊在城南宋紹興元年移岩鎮南山元至正燬明

嘉靖重建宋時有章真人號夢符居此

浮丘觀在黃山浮丘峯下唐會昌中毀故址猶存

歲旱禱雨立應明宣德間鮑興道募新安衛千總趙安重建

仙都觀在黃山仙都峯下屬

太平縣

苗儒觀一名崇真道院宋建在激溪苗儒山里人吳道章號辰峯修真於此張真

人過之題爲崇真道院辰峯屢見神術激溪羅某宅降妖辰峯至佛嶺飛劍斬之化爲白蛇後又於某所收妖謂主人曰孽未至死請驅之無何有巨蛇當徑有荷鋤者擊之而斃辰峯頓足曰不當死而死吾盡矣夜分果逝至今奉祀於院之左堂沒後其所居舍不火而焚因名其地爲法壇基云

休寧縣

普滿禪寺在忠孝鄉舊名報國禪林唐咸通六年建宋大中祥符元年勅改今名山門額曰大

雲山

建初寺在忠孝鄉舊名崇法寺唐咸通九年建宋開寶九年勅賜今名元末兵燬明

洪武三年重建

永慶寺在二都今廢

萬安寺在三都唐名燒香院

修善寺在四

都

翠微寺在八都

黃岡寺在六都

寶華寺在十一都

仁壽尼寺在黎陽鄉

新屯寺在黎陽鄉唐建

富昨寺在二十一都今廢

方興寺在方溪里唐貞觀十三年

建龍紀元年爲水所蕩咸通十四年徙今地宋端平元年勅爲叢林 齊祈寺在二十一都

唐建宋慶元乙卯徙夾山上有率口塘尾家祠及程玕公祠附焉 龍宮寺在二十三都唐

建 星洲寺在二十七都唐建 嘉祥寺唐基在邑南宋徙雲峯山 金佛庵在邑北

十三里有古刹宋太平興國三年山巔放白毫光鑿之得金佛州守令里人祀之禱者苦峻凡

再遷咸平二年定今址 松蘿庵在三都富源山宋淳祐五年建後廢徙今址西接松蘿明

洪熙間有僧奉內旨修誦天順間諭葬松蘿山卽此巔因名旁有寄蘿庵太學生金楠建施僧

住持 普滿塔庵在三都 南山庵在三都水南晉建 英山庵在五都今廢 金

龍庵在六都玉辰山唐建 易山庵在十七都唐建 靈應庵在十八都 千秋寺在

隆阜唐建 等慈庵在黃源宋建 玉樞庵在江潭程瑛建 容坑庵在十六都唐金

吾勳臣孫萬登建明嘉靖十九年萬登後裔因爭奏明撫按行府給帖與孫氏改作金吾勳祠

庵廢萬曆間并祀都御史忠烈孫燧禮部劄付行府建更名勳烈祠 清淨禪林在南門外

明萬曆己亥年建僧一慈重造 冷雲菴在南門外明天啟甲子僧販道募建

皇清康熙癸卯重建準提閣

毘盧閣在建初寺正殿後千佛樓故址明崇禎癸酉寺戒僧法達

募建

護國禪林在下汶溪僧一齋有戒行明熹廟賜紫衣惠藩題今額

淨土菴在三

都新塘

大士閣霞瀛水口

古雲巖在八都石形如半月覆其上前土屏上有杉木懸

掛天燈

普潤菴在蘿寧門外僧曉空募建

文峯塔天乙菴俱在汶溪

青蓮舍在

三都金竹紅山

塔嶺寺在十二都宋高僧建塔於此因名後僧性宗重建

古觀音庵

在十二都霓湖僧如善重建

圓通庵在石羊干

元天太素宮在縣西三十里齊雲岩

明嘉靖庚子賜今額丁巳勅建

三清殿在太素宮東南舊名齊雲觀明嘉靖丁巳年勅建

賜額

崇壽觀舊在縣西三里名白鶴觀徙救寧門外葆真山

著存觀在縣西五十里

進士程純祖記

常清宮在江潭

婺源縣

萬壽寺在縣治西舊名智林禪院唐乾符二年建元延祐元年賜額至正壬辰兵燬明洪武初

重建二十五年立爲叢林正統間重修

普濟寺在縣治東唐中和三年建宋大中祥符六

年賜額元至正壬辰間兵燬明洪武初重建

龍居寺在二都宋紹興間建元至正壬辰兵

燬明洪武初復建今毀

靈仙寺在三都宋天禧二年建元至正壬辰兵燬明洪武間重建

保福寺在十九都宋建元至正壬辰兵燬明洪武間重修

高峯寺在二十一都宋紹興五

年建元至正壬辰兵燬明洪武間重建

新田寺在二十一都宋紹興間建元至正壬辰兵

燬明洪武間重建

隆慶寺在二十四都唐乾符元年建名永泰院宋大中祥符元年改賜

今額元至正壬辰兵燬明洪武間重建

泗州寺在二十五都宋咸淳六年建元至正壬辰

兵燬明洪武間建後圯天啟元年重建

雲興寺在二十八都唐咸通元年建元至正壬辰

兵燬明洪武間重建自普濟寺以下九寺并後宏山庵洪武二十五年併於萬壽寺後各復入

本寺

黃連寺在五都唐咸通間建宋熙寧間重修明洪武二十五年立爲叢林

開化

寺在五都宋紹興十七年建元至正壬辰兵燬明洪武間重建

龍淵寺在六都王村宋乾

興間賜額元至正壬辰兵燬明洪武間重修

鳳林寺在八都大鱗唐大中元年建明洪武

中重修里人曹彥章施金剛坵田五畝寺中後僧屢賣張子宗善兩贖還之

新興寺在九

都宋政和元年建元至正壬辰兵燬明洪武間重建

錢塘寺在十一都上二堡何村元至

正年間教諭汪夢桂奉勅建造明季火燬裔孫同衆復造

香嚴寺在十一都閩山宋慶曆

二年建元至正壬辰兵燬明洪武間重建

如意寺在十八都上河本都世賢堂華樂堂以

下七寺并後真如碧雲二庵忠裔三禮貽祐三堂明洪武二十五年併入黃連寺後各復本寺

庵堂

靈山寺在三十四都唐太和二年建元至正壬辰兵燬明洪武間重建二十五年立

爲叢林

大田寺在三十一都唐太和元年建元至正壬辰兵燬明洪武間重建後圯天啟

元年重修

天王寺在三十五都唐乾符元年建後晉天福二年賜額元至正壬辰兵燬明

洪武間重建今毀自大田以下二寺并後朗湖院明洪武二十五年併入靈山寺後各復本寺

院

福山寺在三十六都宋熙寧二年建元至正壬辰兵燬明洪武間重修二十五年立爲

叢林屢爲勢家所奪嘉靖間尙書湛若水與邑令吳轅及邑門人方純仁等講學其間贖回山

地建書院十間及素心亭於洗心池上手書扁并詩於亭壁

白塔寺在三十九都五代吳

乾貞三年建元至正壬辰兵燬明洪武間重建

新興寺在三十九都唐太和四年建元至